

Ég fór í felur

Lag og texti: Bubbi Morthens

Eldarnir loga í garðinum græna

við erum að bíða bara bíða

hann veit þeir koma í kvöld að sækj’ann

hann er fullur af angist og kvíða

Ég fór í felur

ég fór í felur.

Fótatak nálgast fremstur fer bróðirinn

að sjá svo fögur, fögur að sjá

græðarann kyssti létt á kinn

ég hörfaði burtu burtu þeim frá.

Ég fór í felur

ég fór í felur.

Í bönd þeir færð’ann fóru svo burt

dimm var nóttin, nóttin var svo dimm

sverð lá í grasi með blóðuga egg

dimm voru augun, augun svo grimm

Pétur sem stytta starði oní svörð

ég leit undan fullur af skömm

þá nótt við flúðum allir á braut

lykt af hugleysi fyrir vitum svo römm.

Ég fór í felur

ég fór í felur.

Lagið má finna á eftirtöldum útgáfum

- Bubbi - Tvíburinn (2004)